

451/22-379

B O S N A I H E R C E G O V I N A  
F E D E R A C I J A B i H  
Z E N I Č K O - D O B O J S K I K A N T O N  
G R A D Z E N I C A  
Služba za socijalnu zaštitu, stambene poslove i društvene djelatnosti

Broj: 07-45-12558/22  
Zenica: 09.06.2022. godine

STRUČNA SLUŽBA GRADSKOG VIJEĆA

**PREDMET:** Stav Službe, Izvještaj o radu JU „Dom zdravlja“ Zenica za 2021. godinu,  
- dostavlja se

JU „Dom zdravlja“ Zenica je zdravstvena ustanova, koja je na području grada Zenica započela sa radom 1952. godine. Dom zdravlja je nosilac sprovođenja primarne zdravstvene zaštite na području grada Zenice.

Izvještaj o radu Dom zdravlja za 2021. godinu, urađen je na bazi pokazatelja ostvarenih u 2021. godini prema realizovanim prihodima i rashodima. Obrazloženja data u Izvještaju o radu bazirana su na uporednim posmatranjima pokazatelja ostvarenih u 2020. i 2021. godini, a podaci o zaposlenima i bilans stanja i uspjeha odnose se na podatke na dan 31.12.2021. godine

Dom zdravlja obavlja svoju djelatnost, posredstvom 14 službi. U Službi za zdravstvenu zaštitu djece organizovan je rad Centra za rani rast i razvoj i Centra za imunizaciju.

Poslovnu 2021. godinu obilježila je borba protiv Covid-a 19. Dom zdravlja je organizovao rad Covid Ambulante, te je intenzivno sprovodio i vakcinaciju građana protiv Covid-a 19. U Covid ambulanti u 2021. godini pregledano je 6304 lica, obavljene su 5863 intervencije. U 2021. godini intenzivno su se sprovodile aktivnosti na vakcinaciji protiv Covid-a 19. U protekloj godini dato je ukupno 53.736 doza vakcina.

Ambulanta porodične medicine Crkvice je u cijelosti adaptirana i proširena na poslovni prostor u kojem je ranije bio organizovan rad pružanja usluga iz deratizacije, dezinsekcije i dezinfekcije.

Grad Zenica je sproveo adaptaciju Ambulante porodične medicine Janjići. Dom zdravlja je nakon završenih građevinskih radova, izvršio nabavku potrebne medicinske opreme, namještaja i drugih sredstava potrebnih za rad.

Grad Zenica je u saradnji sa Domom zdravlja i JU Apoteka Zdravlje Zenica izgradio objekat za potrebe Ambulante porodične medicine u Lukovom polju, Apoteke i Mjesne Zajednice. Grad Zenica i Dom zdravlja zaključili su ugovor o izgradnji novog objekta za potrebe Službe hitne medicinske pomoći, Službe za laboratorijsku dijagnostiku primarnog nivoa i Službe za zdravstvenu zaštitu kod specifičnih i nespecifičnih plućnih oboljenja. Radi realizacije navedenog projekta, urađeno je idejno rješenje, nakon čega je angažovano JP za prostorno planiranje i uređenje Grada Zenica koje je izradilo Idejni projekat.

Služba hitne medicinske pomoći je u poslovnoj 2021. godini imala 48 reanimacija, uspješno je zbrinula 290 pacijenata nastradalih u saobraćajnim nesrećama i 695 životno ugroženih pacijenata.

U poslovnoj 2021. godini Dom zdravlja je izradio novu web stranicu sa novim sadržajima, te je ažurirao i facebook stranicu Doma zdravlja.

Kantonalno ministarstvo zdravstva osiguralo je sredstva za nabavku tri medicinska rashladna uređaja za čuvanje vakcina na propisanim temperaturama.

Kada se tiče broja i strukture zaposlenih, u protekloj godini bilo je uposleno ukupno 481 radnik.

Broj zaposlenih medicinskih radnika u 2020: 412

Broj zaposlenih nemedicinskih radnika u 2020: 90

Broj zaposlenih medicinskih radnika u 2021: 407

Broj zaposlenih nemedicinskih radnika u 2021: 74

U 2021. godini jedan doktor medicine završio je specijalizaciju iz psihijatrije, jedan doktor medicine završio je specijalizaciju iz epidemiologije i jedan doktor stomatologije iz stomatološke protektike. Oni su sada uključeni u zdravstveni proces rada u Domu zdravlja. Ustanova je imala veliki problem sa učestalošću oboljevanju svojih radnika od COVID-19.

Dom zdravlja Zenica je u 2021. godini ostvario **višak prihoda** u iznosu od 387.446,00 KM, što je za 48,6% manje u odnosu na ostvareni višak prihoda za 2020. godinu. Ukupni prihodi iznosili su 19.669.075,00 KM i za 3,2% su veći od prihoda ostvarenih u istom periodu prošle godine. Ukupni rashodi su povećani za 5,3% i iznosili su 19.281.628,00 KM.

**Tabela prihoda i rashoda:**

Redni broj:	Opis:	Ostvareno 2020.	Ostvareno 2021.
1.	Ostvareni prihodi	19.063.928	19.669.075
2.	Rashodi	18.309.575	19.281.628
3.	Gubitak	-	-
4.	Višak prihoda	<b>754.353</b>	<b>387.447</b>

Najveći dio prihoda Ustanova ostvaruje po osnovu Ugovora o međusobnim odnosima o pružanju zdravstvene zaštite zaključenog sa Kantonalnim Zavodom zdravstvenog osiguranja.

Za obavljanje djelatnosti primarne i konsultativno-specijalističke zdravstvene zaštite za stanovništvo grada Zenice, Dom zdravlja koristi oko 10.000 m<sup>2</sup> prostora. Sve ambulate koje su u funkciji obuhvaćene su Mrežom objekata porodične medicine.

U poslovnoj 2021. godini Ustanova je imala v.d. direktora zaključno do 27.01.2021. godine, a nakon toga Domom zdravlja je rukovodio direktor. U radu direktora i vršioca dužnosti direktora ostvarena je kvalitetna komunikacija i saradnja s Upravnim odborom, Stručnim vijećem, Sindikatom, Komorama iz oblasti zdravstva i drugim nadležnim organima.

Upravni odbor smatra da je Dom zdravlja u 2021. godini uspješno poslovao u svim segmentima. Stoga je Upravni odbor ocijenio pozitivnim rad v.d. direktora koji je imao mandat od 27.01.2021. godine, odnosno direktora koji je imao mandat od 28.01.2022. godine do kraja izvještajnog perioda, s obzirom da je Dom zdravlja pozitivno poslovao u 2021. godini uz zabilježeni trend napretka u pružanju dostupne, efikasne i kvalitetne zdravstvene zaštite.

Direktor je obezbijedio realizaciju svih aktivnosti i projekata koje su u 2021. godini sprovedene u Domu zdravlja, što je podrazumijevalo obezbjeđivanje finansijskih sredstava, organizaciju rada i rješavanje svakodnevnih tekućih pitanja, kako bi aktivnosti i projekti bili u cjelosti i do kraja provedeni. Upravni odbor ocjenjuje pozitivnim rad direktora Doma zdravlja, sa aspekta ostvarenih dogovorenih zadataka, namjenske upotrebe javnih sredstava, poboljšanja kvaliteta u radu, discipline, organizacije i ukupnog kvaliteta zdravstvenih usluga.

Cijeneci sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Dom zdravlja Zenica“ za 2021. godinu na razmatranje.

#### PRILOZI:

1. Izvještaj o radu JU „Dom zdravlja“ Zenica za 2021.godinu
2. Nezavisno revizorsko mišljenje i finansijski izvještaji za 2021. godinu
3. Odluka o usvajanju Izvještaja o radu JU „Dom zdravlja“ Zenica za 2021. godinu

#### DOSTAVLJENO:

1 x Naslov

1 x a/a

Šef Odsjeka za društvene djelatnosti  
Z.I.

